

KULTUR&MEDIA

Broj: 92 - Godina VIII 2012 / 09 - Pris: 10 kr - ISSN 1653-2864



BANOVIĆI

8 i 9 str



KROSSA ALLT MOTSTÅND!

DIABLO

12495,-

INTEL i7-3820 10M Cache
 Nvidia GTX 680 2GB
 Corsair 16GB Ram
 Corsair 120GB SSD
 DVD-Brännare
 Corsair 600W Nätdel
 CoolerMaster CM 690

Microstore AB
 Bisingsgatan 28
 Vågmästareplatsen
 Tel. 031 - 655 707

DIABLO
 2 ÅRS GARANTI & SUPPORT!

SLÖ OCH SEG DATOR?

Vi utför alla typer av reparationer!

- Mac / PC Service
- Uppgraderingar
- Ominstallationer
- Virusrensning
- Skärmbuten på laptopar
- Hårddiskreparationer
- Diskräddning
- Backup



TA MED ANNONSEN OCH FÅ HALVA PRISET PÅ
 FELSÖKNINGSKOSTNADEN!

Välkommen in i vår butik!

www.microstore.se

MicroStore www.microstore.se

BosnaTV
 jedna, jedina

50+RTV Kanala iz BiH i Regiona



BosnaTV servis je siguran i legalan izbor!

- Najbolji kvalitet na tržištu
- Najbolja ponuda kanala
- 100% Digital*
- HD 1080i Platforma

Hayat i BosnaTV Vas nagrađuju.

Narudžbom servisa BOSNA TV u periodu od 4.jula 2012. do 15.avgusta 2012. automatski ćete biti kvalificirani da dobijete tri doživotna servisa BosnaTV-a.

Svi dobitnici će biti obaviješteni o dobitcima, i to putem telefona. Izvlačenje nagrada na Hayat Tv-u!

Registrujte se već danas i okušajte sreću!

HAYAT BosnaTV Vas nagrađuju sa **3** DOŽIVOTNA SERVISA **3** KONTINENTA

Jedini legalni provajder BH kanala

Više informacija na www.bosnatv.de ili na telefon: **0049 1511 272 4689**

EKSKLUZIVNA VIJEST:

RADIOKARBONSKO DATIRANJE BOSANSKE PIRAMIDE SUNČA

Ovogodišnja arheološka i naučna sezona u Bosanskoj dolini piramida donijela je niz historijskih rezultata. Među njima je svakako i pronalazak organskog materijala u junu 2012. ispod nanosa zemlje i gline. Naime, na betonskim blokovima Bosanske piramide Sunca, volonteri prve smjene akcije MRAV su pod stručnim rukovodstvom italijanskih arheologa **Nicola** i **Ricarda Bretta** pronašli fosilizirani list. Uzorci su poslani u dvije Laboratorije za radiokarbonsko datiranje.

Prvi rezultati su došli iz laboratorije iz Kijeva (Ukrajina). Starost organskog materijala je 24.800 godina +/- 200 godina. Drugim riječima, sama građevina je starija i ovaj naučni podatak predstavlja minimalnu starost Bosanske piramide Sunca.

Podsjećamo, do sada smo imali podatke o starosti tla koji prekriva piramide Sunca i Mjeseca koja se prema procjenama federalnog Instituta za pedologiju kreće u rasponu 12.000-15.000 godina. Prošle godine je poljski Institut za fiziku s Šleskog Univerziteta tehnologije procjenio starost organskog uzorka u vezivnom materijalu na jednoj terasi Bosanske piramide Mjeseca na 12.350 godina.

Svi dosadašnji pokazatelji ubjedljivo potvrđuju da su bosanske piramide najstarije na svijetu.



Američki istraživač megalitnih struktura i petroglifa **Jay Stuart Wakefield** je, u pratnji svog domaćina dr. **Semira Osmanagića**, boravio u periodu 14.-17. septembar 2012. u Visokom u posjeti Bosanskoj dolini piramida. Wakefield je u svojim knjigama dešifrirao petroglife na američkom tlu koji svjedoče o posjetama Feničana i Egipćana Americi prije 4.500 godina ("How the Sun God Reached America c. 2.500 B.C."). U novoj knjizi "**Rocks & Rows**" dao je originalno tumačenje megalitnih sajtova u francuskom Carnaku kao orijentira za navigaciju preko Atlantika.

Wakefield je ostao impresioniran bosanskim piramidama i prahistorijskim podzemnim tunelima smatrajući da je riječ o najmisterioznijoj lokaciji na svijetu. U budućnosti će u svoje prezentacije širom svijeta uključiti fotografije iz Bosanske dolina piramida i dalje promovirati otkriće prvih europskih piramida

KLAUS DONA: "NOVI TUNELI ISPOD BOSANSKIH PIRAMIDA"

Austrijski istraživač drevnih artefakata i muzejski kurator **Klaus Dona** je prezentirao nove rezultate geofizičkih snimanja ispod bosanskih piramida. Tokom svoje prezentacije na Međunarodnoj konferenciji "**Skrivena historija**" 8. septembra 2012. Klaus Dona je istakao da jedan od tunela vodi ka Bosanskoj piramidi Sunca tačno ispod prilaznog platoa piramidi sa zapadne strane na dubini od 180 metara. Riječ je o dobro očuvanom podzemnom prolazu bez kolapsiranih sekcija.



Stručnjaci s Harvarda tvrde:

Šefovima je lakše i doživljavaju manje stresa



Šef i radnik

(24SI) - Zdravlje šefova i ljudi na visokim pozicijama manje je ugroženo nego zdravlje "običnih" radnika koji imaju veći rizik za srčani udar.

Ljudi na visokim pozicijama imaju osjećaj da kontroliraju neke stvari u poslu i u svom životu i to doprinosi mirnijem životu uprkos stresu zbog odgovornosti i "većih" obaveza.

Šefovi i ostali visokopozicionirani u novom su istraživanju imali manje razine kortizola (hormona stresa) nego ljudi koji ne rade na odgovornim pozicijama, a rjeđe su ih zahvaćala i tjeskobna stanja. U prijašnjem dijelu istraživanja pokazalo se da obična zanimanja mogu povećati rizik od srčanog udara za čak 23 posto.

Stručnjaci s Harvarda imaju nekoliko objašnjenja zašto je to tako. Smatraju da ljudi na boljim pozicijama imaju veću odgovornost, ali obično ne ostaju na poslu prekovremeno. Često pohađaju i razne kurseve i imaju mnoštvo pogodnosti, od putovanja do wellnessa, kako bi se riješili stresa, prenosi Daily Mail. (A. B. - 24sata.info)

Vikendom zaboravite na valjanje po krevetu

Bolja je varijanta vikendom otići ranije u krevet i odspavati normalnih osam sati, probuditi se u isto vrijeme kao i inače kako ne bismo poremetili svoj unutarnji sat



produženo spavanje vikendom remeti naš unutarnji sat

Većina radnih ljudi, a i školaraca, jedva dočeka vikend kao jedino vrijeme kada mogu spavati koliko žele. Međutim, ako ćemo vjerovati istraživačima sa Sveučilišta Southwestern u Teksasu, ta nam je ideja sve samo ne dobra.

Naime, produženo spavanje vikendom remeti naš unutarnji sat koji nam inače daje do znanja kad trebamo spavati, jesti, buditi se i obavljati ostale tjelesne funkcije. Ritam se ponavlja svaka 24 sata i produljenim spavanjem ga zbunjujemo i kvarimo, prenosi metro-portal.hr.

Na taj ćemo način, umjesto da se stvarno odmorimo i osvježimo tokom vikenda, zapravo samo pojačati umor i imati još više problema s buđenjem u ponedjeljak.

Bolja je varijanta vikendom otići ranije u krevet i odspavati normalnih osam sati, probuditi se u isto vrijeme kao i inače kako ne bismo poremetili svoj unutarnji sat.

'Kako bi to izgledalo kad bi se u isto vrijeme pokvarili svi satovi ovoga svijeta? Probudili bi se tako nekog jutra, živahni i čili, oprali zube, plahnili se po licu pa još malko ispod pa(u)zuha, i svo to vrijeme ne bi imali blage veze koliko je sati. Ne bi znali kad trebamo ići na posao, koliko raditi i kad se vratiti, uhvatiti pravi autobus ili tramvaj bila bi čista lutrija, na ulicama bi sretali izbezumljene ljude odjevene u kombinacije šoka i nevjerice, i što je najgore - u smiraj kaotičnog dana vjerojatno bi propustili početak televizijskog dnevnika. Kontrolori leta bi ispali na živce, a skretničari na željeznici, masovno bi posijedili do prvog mraka.

(dnevnik.hr.)

Što kada bi se svi satovi svijeta pokvarili?



10 načina na koje vam hodanje može produžiti život

Mnoge provedene studije pokazale su da ljudi koji hodaju redovito, duže žive, imaju manje kilograma, niži krvni tlak i općenito imaju bolje zdravstveno stanje od 'nehodača'.



Deset važnijih koristi od hodanja objavio je Yahoo Health.

1. Hodanje povećava životni vijek

Hodanje više od jednog sata dnevno značajno povećava mogućnost dužeg života, zaključak je studije provedene 2011. godine. Istraživači su proučavali navike 27,738 sudionika starih između 40 i 79 godina, tijekom 13 godina. 'Više vremena provedeno hodajući dovelo bi velike promjene u zdravlju ljudi i značajnog smanjivanja zdravstvenih troškova', rekli su autori studije.

2. Hodanje smanjuje vjerojatnost od dijabetesa

Samo 30 minuta hodanja dnevno može spriječiti dijabetes tipa 2, stoji u studiji provedenoj 2002. Ako već imate dijabetes, hodanje i vama može uvelike pomoći. Ako dnevno propješačite više od jednog kilometra, to smanjuje rizik od smrti uzrokovane bilo kojom bolesti za pedeset posto.

3. Hodanjem vaš um ostaje bridak

Ako tjedno prohodate 14 kilometara to pomaže u povećanju sive tvari, koja smanjuje rizik od kognitivnih oštećenja ili poteškoća u koncentraciji, memoriji i mislima, prema studiji koja je proučavala 299 starijih osoba tijekom perioda od devet godina.

Hodanje osam kilometara tjedno, može pomoći u zaštiti memorije i područja u mozgu zaduženih za učenje za one koji već pate od Alzheimerove bolesti. Hodanje naime, dovodi do sporijeg napredovanja bolesti.

4. Hodanje pomaže u smanjenju krvnog tlaka

Samo 30 minuta dnevno hoda, tri do pet dana u tjednu, značajno smanjuje krvni tlak. Čak i ako ovih trideset minuta nije u kontinuitetu.

5. Hodanje je odlično za zdravlje kostiju

Hodanje kilometar i pol dnevno može dovesti do poboljšanja čvrstoće kostiju tijekom menopauze, prema studiji provedenoj 1994. godine. 'Kosti hodača gube na čvrstoći četiri do sedam godina kasnije nego kod onih koji ne hodaju toliko', rekla je voditeljica studije **dr. Krall**.

6. Hodanje smanjuje rizik od srčanog udara

Hodanje 20 kilometara ili više tjedno može umanjiti rizik od srčanog udara za pedeset posto, prema studiji koja je provela istraživanje na 11.000 osoba.

7. Hodanje poboljšava raspoloženje

Ako se osjećate bezvoljno, hodanje je brzo i jednostavno rješenje. Samo 30 minuta na traci za hodanje smanjuje osjećaj tenzije i depresije, prema istraživanju objavljenom u '*British Journal of Sports Medicine*'. Zapravo, studija je otkrila da je hodanje podiglo raspoloženje brže nego antidepresivi.

Što više ljudi hodaju, bolje im je raspoloženje i energija', rekao je profesor **Robert Thayer**

8. Hodanjem se troše kalorije

Sa 20 minuta hodanja dnevno, godišnje potrošite 3,1 kilogram.

9. Hodanje poboljšava problem nesаницe

Ako tijekom jutra odete u 45-minutnu šetnju, pet dana u tjednu, spavanje će vam se poboljšati, rezultat je to istraživanja centra za istraživanje Fred Hutchinson u Seattleu. Istraživači su također otkrili da noćna šetnja ima suprotan efekt.

10. Hodanje je dobro za srce

Analiza koja je provedena na 72.000 žena u dobi od 40 do 65 godina pokazalo je da hodanje tri i više sati tjedno smanjuje rizik od srčanih bolesti. Još je jedna slična studija provedena na muškarcima te je pokazala kako i kod njih hodanje smanjuje rizik od srčanih bolesti za 50 posto. _____ (dnevnik hr)

Jeste li znali ...

- Jeste li znali da je u Srednjem vijeku šećer bio toliko dragocjen da je vrijedio 9 puta više od mlijeka?

- Jeste li znali da se otprilike 5 hiljada zvijezda može vidjeti golim okom?

- Jeste li znali da možete zapaliti vatru uz pomoć leda?

PET NAVIKA ZDRAVIH LJUDI

Kako biste bili zdravi, treba vam minimalno 90 minuta dnevno u pokretu



Malene, naizgled nevažne promjene u životnom stilu, mogu vas učiniti značajno zdravijom i sretnijom osobom.

Budite se ranije

Ako se budite kasno i ujutro ste uvijek ubrzani, ostatak dana nastaviti ćete provoditi užurbano i pod stresom. Kako biste postavili dobar ton svome danu, pokušajte se probuditi pola sata ranije nego uobičajeno. Vrijeme iskoristite za kupku, meditaciju, pisanje dnevnika, čitanje ili neke druge opuštajuće aktivnosti. Kako bi vam jutro bilo još opuštenije, pripremite uvečer odjeću za jutro.

Izbjegavajte šećer i rafinirane ugljikohidrate

Previše rafiniranih namirnica rezultira padom energije i mentalnom maglicom. Dodatno, rafinirani šećeri potiču tijelo da masnoće pohranjuje na trbušnom području, što šteti vašem organizmu.

Bavite se sportom tri do pet puta sedmično

Zdravi ljudi se stalno kreću. Kako biste bili zdravi, treba vam minimalno 90 minuta dnevno u pokretu, te dodatno tri do pet puta sedmično 45 do 60 minuta neke napornije fizičke aktivnosti ili bavljenje nekim sportom.


Unosite dovoljno tekućine

Možete odabrati vodu ili nezaslađeni biljni čaj, ali važno je da ostanete hidratizirani. Dvije litre je preporuka zdravstvenih stručnjaka.

Napravite vremena za odmor i užitek

Život može biti toliko užurban da se zaboravimo veseliti. Zdravi ljudi razumiju ravnotežu između različitih područja života te ne zanemaruju lični užitek zbog posla, naprimjer. Činite stvari koje vam predstavljaju užitek, bilo da se radi o odlasku s prijateljima na kafu ili masaži.

Uz dobar san, ali i prave začine tijelo topi suvišne kilograme



(24SI) - Da biste metabolizam ubacili u petu brzinu, osigurajte sebi san, ne preskačite obroke, redovno doručkujte, jedite začinjenu hranu te uzimajte dovoljno kalcija i tekućine.

Ako se, u želji da se riješite viška kilograma, odričete večere - jako griješite. Preskakanje obroka tjera metabolizam da uspori.

Da bi nadoknadio nedostatak hrane, počinje čuvati kalorije za "crne dane". Kad nakon dugog vremena konačno nešto pojedete, tijelo će se sjećati da je dugo bilo bez hrane te će preventivno početi skladištiti više kalorija kako bi se na vrijeme pripremio za sljedeću epizodu izgladnjivanja.

Da biste to spriječili, jedite redovito u pravilnim intervalima tijekom cijelog dana te umjesto da smanjite broj obroka, smanjite količinu kalorija, prenosi 24sata.

U jelovnik ubacite obrano mlijeko, jogurt i nemasne sireve jer kalcij dokazano ubrzava rad organizma, a time mršavljenje.

Metabolizam će usporiti i odricanje od sna. Spavate li pet sati, povećat će se razina hormona gladi, a smanjiti razina hormona koji suzbija apetit.

Više spavajte

Kako biste hormon gladi držali pod kontrolom, spavajte svaku noć najmanje sedam sati.

Dobar doručak

Tijelo se noću ubaci u nižu brzinu da bi sačuvalo kalorije. Kako biste ubrzali metabolizam, zdravo doručkujte.

Vježbe ubrzanja

Kardiovaskularne vježbe poput hodanja i aerobika stimuliraju metabolizam te privremeno potiskuju glad.

Češći obroci

Uz tri velika pojedite 5-6 manjih obroka i osigurati ćete stalan dotok energije, što će ubrzati metabolizam.

Ljuto, ljuće

Namirnice kao što su čili mogu povećati unutarnju temperaturu tijela i ubrzavati sagorijevanje kalorija.

Začini, a ne dijeta

Začinjena hrana brže zasiti. Olakšat ćete obrok za 100 kalorija ako nakon dva zalogaja pojedete "jaki" umak

Ugasi žeđ

Dehidracija prevari mozak koji će žeđ prevesti kao glad. Ako ste gladni, popijte čašu vode te pričekajte 20 min. _____ (A. B. - 24sata.info)

Stres na poslu utiče na bolesti srca!



Stres koji doživljavamo na poslu može imati mnoge negativne nuspojave na naše zdravlje, a novo istraživanje kaže da čak može izazvati i srčani udar.

Veliko istraživanje s dvjesto tisuća ljudi uključivalo je ispitivanje o negativnom utjecaju stresa s posla na zdravlje u različitim profesijama. Najrizičniji su oni zaposlenici koji osjećaju jak pritisak na poslu, a ne vide da mogu nešto promijeniti. Rizik od srčanog udara povećan je za četvrtinu.

'Zaključili smo da stres na poslu pomalo utječe na bolesti srca i na kraju može dovesti do njih, posebno do srčanog udara', rekla je za Daily Mail Mika Kivimaki s londonskog sveučilišta, prenosi Tportal.

I prijašnja testiranja davala su iste naznake, ali je bilo suprotstavljenih mišljenja. UCL je objedinio 13 takvih studija iz različitih zemalja poput Velike Britanije, Belgije, Danske, Finske, Francuske te Nizozemske i Švedske. Studije su rađene od 1985. do 2006. godine.

Svi ispitanici odgovarali su na pitanja o zanimanju kojim se bave, okruženju u kojem žive, rokovima i slobodi u donošenju odluka. Medicinski časopis The Lancet piše kako prije ispitivanja nijedan sudionik nije imao problema sa srcem. Najstresniji posao smatrao se onaj u kojem su osobe naporno radile bez mogućnosti da samostalno donose odluke.

U sedam i pol godina nakon studije 2.356 ispitanika iz te kategorije imalo je srčani udar te su preminuli ili bili zaprimljeni u bolnicu. Znanstvenici kažu da ljudi sa stresnim poslom imaju čak 23 posto veću šansu za srčani udar, a rizik je veći za 60 posto ako osoba često radi prekovremeno.

(A. B. - vijesti.ba)

Prirodni sastojci koji će vam pomoći za usporavanje starenja

Za usporavanje starenja, ukoliko imate osjetljivu kožu, potrebni su vam dodatni trikovi i prirodni sastojci...

Koža, kao najveći organ tijela, neprestano je izložena oštećenjima koja uzrokuju slobodni radikali iz okoline. Starenje je teško kontrolisati, ali za usporavanje tog procesa, ukoliko imate osjetljivu kožu, potrebni su vam dodatni trikovi i prirodni sastojci i proizvodi bez jakih hemikalija koje dodatno iritiraju kožu.

VITAMIN E

Tretiranje bora uljem bogatim vitaminom E sjajan je metod za prevenciju i usporavanje znakova starenja na osjetljivoj koži. Ovaj vitamin obezbjeđuje ubranu regeneraciju ćelija, a u čistom obliku možete da ga kupite u bilo kojoj apoteci. Prije polaska na spavanje, na linijice i bore stavite malu količinu ulja bogatog vitaminom E. Najveću pažnju usmjerite na dio oko očiju, oko usana i na duboke linije na čelu i između obrva. Neka ovaj tretman postane vaša svakodnevna rutina kojom ćete spriječiti nastanak novih bora i ublažiti kritična područja.

BANANE

Odličan su prirodni način za borbu protiv starenja i do sada nije uočen nijedan sastojak iz banane koji bi prouzrokovao iritaciju kože. Ovo voće je bogato vitaminom A i kalijumom. Vitamin A reguliše proizvodnju sebuma, odnosno loja, dajući koži zdravu količinu vlažnosti u borbi protiv bora. Kalijum hrani kožu, uklanja nečistoće i mrtve ćelije koje bi mogle da se pretvore u bore. Zgnječite četvrtinu banane i razmažite je po licu. Poslije 15 minuta isperite toplom vodom. Ovu masku možete da stavite kada god vam to padne na pamet, pišu Novosti.

HAMAMELIS ILI DIVLJI LJEŠNJAK

Poznato je da je hamamelis, odnosno divlji lješnik, odlično sredstvo za oporavak kože poslije ujeda insekata, opekotina, ekcema, psorijaze, plikova. Ne samo što liječi kožu, već je i čisti. Riječ je o najboljem prirodnom sredstvu koje steže kožu, a uz to sadrži moćne antioksidanse. Sve to ga čini odličnim sredstvom protiv starenja. Dobar je za osjetljivu kožu jer ne sadrži ni alkohol ni jake hemikalije. Preko očišćenog lica pređite vatom umočenom u ekstrakt divljeg lješnika. Naročito se usredsredite na dijelove lica na kojima su vidljive bore i velike pore. Hamamelis ima moć da zaliječi oštećenja nastala djelovanjem slobodnih radikala iz okruženja, ravna bore, ublažava pjege i fleke i zatvara vidljive pore.

(S. K. - Vijesti.ba)



BANOVIĆI

Banovići su mali rudarski grad u sjeveroistočnoj Bosni. Grad je smješten na sjeverozapadnim obroncima planine Konjuh na nadmorskoj visini između 330 i 380 metara, na magistralnom putu koji povezuje dva industrijska centra Tuzlu i Zenicu, odnosno kantona Tuzlanski i Zeničko-dobojski.

Površina banovičke općine je 176 km² što iznosi 0,34 % od cjelokupne teritorije BiH.

Historija

Današnje ime Banovići su dobili prema stećku Božićka Banovića, nadgrobnom spomeniku iz srednjeg vijeka koji je lociran u istoimenom selu nedaleko od grada. Stećak je u obliku sarkofaga sa kamenim postoljem veličine 2,20 x 0,90 x 0,70 m. na prednjoj strani je stiliziran cvijet, a sa bočne strane je natpis na bosančici sljedećeg sadržaja:

„Ase (ovdje) leži Božićko Banović, na svojoj zemlji, na plemenitoj Dramešini, a postaviše (stećak) Hlapac i Obodin i Branko sa braćom.“

Na području Banovića je pronađen i kovani novac za koga se pretpostavlja da potiče iz vremena 250 godina prije nove ere, dakle iz Rimskog perioda. Raniji naziv Litva, što ga je grad dobio po istoimenoj rijeci koja kroz njega protiče, etimološki je nedefiniran.

Postanak, razvoj i rast općine determiniran je eksploatacijom veoma kvalitetnog uglja koji je i danas značajan izvor energije. Kao jedan od centara bosanskohercegovačkog rudarstva Banovići su u dosadašnjoj historiji postigli izuzetne rezultate u eksploataciju uglja. Konjuh je jedna od rijetkih planina u BiH kojom se može šetati slobodno i bez straha od mina jer je ova planina imala sreću da je ovaj posljednji rat zaobiđe.

Geografija - Jezero Breštica

Grad je smješten na sjeverozapadnim obroncima planine Konjuh na nadmorskoj visini 330-380 metara, na magistralnom putu koji povezuje dva velika industrijska centra Tuzlu i Zenicu, odnosno dva velika kantona i Zeničko-dobojski. Banovići se graniče sa općinama Lukavac, Živinice, Kladanj, Olovo i Zavidovići i na taj način predstavljaju tromeđu

kantona Tuzlanskog, Sarajevskog i Zeničko-dobojskog. Banovići su udaljeni od Tuzle 36 km, a od Sarajeva, glavnog grada BiH 110 km. Najbliža morska obala nalazi se oko 300 km od Banovića u luci Ploče (Republika Hrvatska) i za normalne vremenske i saobraćajne okolnosti iz Banovića se na more može stići za oko pet sati vožnje automobilom.

Kontinentalna i umjereno-kontinentalna klima u Banovićima ima za posljedicu topla ljeta sa pljuskovima i oštre vjetrovite zime sa manjim količinama snježnih padavina. U prosjeku je svaki treći dan oblačno vrijeme s tim sto je ljetna oblačnost kratkotrajna. Najčešći su vjetrovi iz sjevernog kvadranta. Relativno često javlja se i grad. Analize i procjene klimatskih karakteristika Banovića i okolice proizvoljne su i uglavnom empirijske jer na području općine nema niti jedne meteorološke stanice. Općina je obuhvaćena slivnim područjima Krivaje i Spreče, a orijentirana dolinama rijeka Litve i Turije. Ponivka, Hodžin potok, Jablanica, Bukovac, Turija, Litva, Radina, Brestica, Brložnik, Draganja, Begov potok, pripadaju sjevernom području općine i slivu Spreče, a u zapadnom dijelu, južnog, brdsko-planinskog područja razvijeno je nekoliko manjih slivova koji pripadaju glavnom toku rijeke Krivaje. Čitavo područje odlikuje se nagibom terena prema sjeveru i dijelom prema istoku te se prema tome može podijeliti na ravničarske, na sjeveru i na sjeveroistoku, brdsko-planinsko sjeverno od ravničarske depresije i brdsko-planinsko sa više izraženim karakteristikama planinskog reljefa u području južno od ravničarske depresije.

Banovići imaju ukupno 15 ulica: Branilaca grada, 119. muslimanske brdske brigade, Husinske bune, Rudarska, Habetova, 4. juli, 7. novembar, Radnička, Božićka Banovica, Zaima Subašica, 27. juli, Skojevska, Pionirska i ulica Alije Izetbegovića. Najduža ulica je "Branilaca grada", nekadašnja JNA koja se proteže duž cijelog grada od benzinske pumpe na ulazu do pijace i tvornice konfekcije "Borac" iz Travnik, na izlasku iz grada, a najkraća i možda najljepša ulica je 4. juli koja graniči sa gradskim parkom.

BANOVIĆI

Privreda

Banovićka privreda je uglavnom orijentisana na zadovoljavanje i funkcionisanje Rudnika mrkog uglja "Banovići" koji je najveći rudnik mrkog uglja u BiH. Osim Rudnika, Banovići imaju i prilično razvijenu metalnu industriju (Tvornica peći HELIOS, FGO - Fabrika građevinske opreme, "Elektroremont", TMB - Tvornica mikromotora i aparata), te Tvornicu konfekcije "Borac" kao i transportna preduzeća ("Litvatrans", "Autosaobraćaj" i "Autoremont"). Ulaganjem austrijskog kapitala otvoren je rudnik dijabaza "Plantrans-Dijabaz".

Kultura

Zgrada Radničkog doma u Banovićima središte je kulturnih događanja. U ovom prelijepom zdanju smještene su između ostalih: prostorije radija i televizije Banovići, gradska biblioteka i čitaonica, savremeno opremljena i jedna od najboljih u BiH, pozorišna sala, zatim bilijar sala i restoran. Nedavno je puštena u funkciju obnovljena i rekonstruisana i faza "Bosanskog kulturnog centra" (ranije gradsko kino).

Turizam


Banovići imaju hotel "Zlaca" smješten u samom podnožju planine Konjuh. Hotel "Zlaca" je naročito atraktivan za visinske pripreme sportista, za kongrese i seminare, odmor i svaku vrstu rekreacije. Kapaciteti ovog prelijepog objekta su skoro redovno zauzeti što iziskuje potrebu proširivanja kapaciteta i obogaćivanja sadržaja.

Sport

Šah, sportski ribolov i planinarenje u Banovićima, također imaju dugu tradiciju. Banovički ribolovci su ekipa koja dostojno reprezentira svoj grad. Banovići imaju i svoje skaute koji su na gotovo svim dosadašnjim (prijeratnim i poslijeratnim) takmičenjima osvajali najveća priznanja. Također u banovicima postoji fudbalski klub Budućnost, kao i ženski (I liga) i muški (II liga sjever) košarkaški klub te rukometni klub koji se takmiči u drugoj ligi Bosne i Hercegovine

Poznati iz Banovića:

Enver Lugavic - Kice, voklani solista



Na ahiret preselio

Dr. Hašim Muharemović

Dr. **Hašim Muharemović** bio je jedan od najboljih balkanskih sazlija i poznavalaca sevdalinke; autor je mnogobrojnih pjesama, među ostalima i čuvene *“Sa Gradačca, bijele kule”*, koju današnje generacije smatraju narodnom. Od danas, 18.09.2012, Dr. Hašim Muharemović nije više među nama. Srebrenik je izgubio jednog od njegovih najbolji ambasadora.

Dr. Hašime, neka ti je vječni rahmet.


Naš dr. Hašim zadužio je Srebrenik, i te kako... Prenosio je njegovo ime na svim mjestima gdje je gostovao, a uljepšavao ga pjesmom. Naša Gradina bila mu je inspiratorna – osim što je slikao, volio je o njoj pjevati, i kretati se po njenim mračnim hodnicima... Godine su ga bile sustigle, otkazao je javne nastupe, govorio tiho... Nije tu više bilo snage da starački glas prati čudan zvuk magičnog instrumenta... Živio je tiho... i otišao u legendu...

Zadužio nas je puno više nego mu možemo vratiti. Nikakav pokušaj političkih govornika koj će, ionako, biti pokušaj ubiranja sopstvenih poena, nago odavanje počasti, neće sprati gorčinu koju je nosio u sebi, i sa njome otišao...

Dragi Bože, zar smo vredniji kad odemo, nego dok smo tu, sa vama... Ipak, ON ne odlazi. On ostaje sa nama kroz njegova djela, a zvuk njegove pjesme vječno će nas pratiti me(h)koćom njegova glasa i vječnom željom za dokazivanjem... To mogu samo Veliki ljudi, i Veliki umjetnici. Oni ne umiru.

Neka mu je rahmet duši, la(h)ka bosanska zemljica, i vječni mir... Zaslužio je...!

KUM ISPRED ISTEHLJIVAČA I KAZABLANKE

Čoppolin "Kum" najbolji film svih vremena

Na drugom mjestu našlo se već pomenuto kultno ostvarenje „Istrebljivač“ Ridley Scotta

Španski "El Pais" proveo je obimnu anketu za izbor najboljih filmova svih vremena, a najviše glasova dobio je "Kum" Francisa Forda Coppole. Za pobjedu je bilo potrebno osvojiti 28.500 hiljada glasova. "Kum" je pobijedio filmove kao kao što su "Istrebljivač", "Veliki diktator" i mnoge druge.

Na drugom mjestu našlo se već pomenuto kultno ostvarenje „Istrebljivač" Ridley Scott. Slijede „Veliki diktator" Charles Chaplin i „Kazablanka" Michaela Curtiza.

Među deset najboljih našla su se čak Coppolina filma. Sa dva filma među deset najboljih filmova je i Billy Wilder.

Španska lista deset najboljih filmova izgleda ovako:

- "Kum" – Francisa Forda Coppole,
- "Istrebljivač" – Ridley Scott,
- "Kazablanka" – Michaela Curtiza,
- "Veliki diktator" – Charles Chaplin,
- "Kum 2" - Francisa Forda Coppole,
- "Apartman" – Billy Wilder,
- "Apokalipsa danas" – Francisa Forda Coppole,
- "Ratovi zvijezda" - epizoda 4: "Nova nada" – George Lucas,
- "Paklena pomorandža" – Stanley Kubrick,
- "Neki to vole vruće" – Billy Wilder,

Kritičari ovakovog izbora upozoravaju da su u njemu u potpunosti zastupljeni američki filmovi, bez drugih svjetskih klasika.

Novi Windows Office prilagođen je ekranima na dodir, a ima i društvenu mrežu

(24SI) - Početkom ove sedmice Microsoft je predstavio novu verziju Officea koji je stvoren upravo za Windows 8.

Novi Office predstavio je direktor Microsofta, **Steve Ballmer**. Istaknuo je kako nova verzija ima intuitivan dizajn te je prilagođen radu na ekranima osjetljivim na dodir što uključuje i tablete. Osim toga, radi i sa stylusom te mišem i tastaturom. Prvo izdanje bit će dostupno na jesen, dolazi u tri verzije, a customer preview već je dostupan na office.com/preview.

Osim toga, nova inačica po prvi puta donosi i nove aplikacije. Riječ je o One Note i Lync aplikacijama. "Novi sustav uključuje Windows RT. Office Home i Student 2013 RT, koji sadrže nove verzije aplikacija Word, Excel, PowerPoint i OneNote, a sve one su uključene na ARM-arhitekturi za Windows 8 uređaje, uključujući Microsoft Surface", pojašnjavaju.

Još jedna bitna novost u Officeu je to što se nalazi u cloudu. Naime, Office pohranjuje dokumente u SkyDriveu pa su na taj način svi folderi korisnicima dostupni s bilo kojeg uređaja s kojeg se povezuju na Cloud. Naravno, moguće je raditi i offline, a u tom slučaju se pri prvom povezivanju novi i stari podaci sinkroniziraju.

"Office na pretplatu, možete mu pristupiti i kad niste kraj svog računala i to putem interneta na svim uređajima koji imaju Windows.

Pretplatnici dobivaju automatsku nadogradnju sustava i dodatnih usluga u Cloudu.

Osim toga svi korisnici svakog mjeseca dobivaju i 'bonuse' poput 60 minuta besplatnih međunarodnih poziva putem Skypea jer novi Office dolazi upravo sa Skypeom", objasnio je na predstavljanju Ballmer.

Osim novih aplikacija za lakši rad, Office je unio i neke promjene te se prilagodio tržištu i trendovima - postao je društven. Naime, Yammer je privatna društvena mreža za sve tvrtke te donosi mogućnost integracije SharePointa i Microsoft Dynamicsa, prenosi Index. Sadrži "Activity Feed" na kojem poslovni subjekti mogu ostavljati poruke i fotografije te na taj način svoje kolege obavještavati o novitetima. Osim Yammera, posjeduje i People Card koji omogućava pregled kontakata, napredna verzija adresara koja se redovito "Updatea" informacijama s korisnikovog Facebooka i LinkedIna.

Osim toga, Windows je poboljšao i usluge standardnih programa - Worda, Excela, PowerPointa, OneNotea, Outlooka te Publishera i Accessa. Oni su sad prilagođeni korištenju na stylusom ili na ekranima na dodir.

Tri verzije koje stižu na jesen podijeljene su po korisničkim potrebama - za privatne korisnike, male i srednje poduzetnike te za velike poslovne korisnike.

(S. K. - 24sata.info)

Kako ubrzati kompjuter kad uspori

(24SI) - Usporen vam je računar, Vindouz sporo radi? Niste sigurni u čemu je problem? Evo nekoliko konkretnih savjeta šta možete sami da uradite da riješite taj problem.

Pod pretpostavkom da već imate instaliran dobar antivirusni program, provjerite da li je ažuriran i skenirajte kompjuter da biste provjerili da li je možda zaražen nekim malicioznim programom. Nekada vaš računar može da učestvuje u aktivnostima kao što je masovno slanje spam mejlova bez vašeg znanja, a to će značajno usporiti njegov rad.

Kako biste provjerili procese koji su aktivni tokom usporavanja kompjutera, na taskbaru kliknite desnim tasterom miša i odaberite StartTask Manager. Potom odaberite tab Proces i kliknite na kolonu CPU - proces koji može biti glavni krivac usporavanja računara nalazi se na vrhu kolone. Selektujte ga i odaberite End Process, što može dovesti do gašenja ili "zamrzavanja" nekog programa, ali će vaš računar normalno raditi.


Možda vaša konfiguracija ne može da podrži ono što biste vi željeli - zato se klonite multitaskinga, gasite zahtjevni program prije nego otvorite neki drugi veliki program.

Zamijenite sporije programe bržim - Fajrfoks zamijenite Hromom. Ako ne morate, ne koristite najnovije verzije programa, one su uvijek sporije.

Možda je vrijeme za ulaganje u hardver. To čak i ne mora biti novi kompjuter, možete samo dodati RAM memoriju na već postojeću konfiguraciju, ako za to ima mogućnosti.

(S. K. - 24sata.info)

Konkretni savjeti:



List Kultur Media - No: 93

izlazi 1. novembra 2012.

Odbojkaši BiH osvojili zlato na Paraolimpijskim igrama u Londonu



Odbojkašima zlato: Vi ste ponos Bosne i Hercegovine!

Reprezentativci Bosne i Hercegovine u sjedećoj odbojci novi su olimpijski prvaci. U Londonu su savladali ekipu Irana 3:1 u setovima.

Iako su odlično otvorili prvi set, naši su momci posustali, pa su Iranci osvojili prvi set. Iranci su drugi set sjajno otvorili, ali su naši igrači odličnom igrom preokrenuli rezultat.

I treći set set je odigran dramatično, uz velike preokrete u našu korist. U posljednjem setu, više nije bilo dileme, naši su momci neprikosnoveno igrali i osvojili svoje drugo olimpijsko zlato.

Igrali su srcem

Pokazao je naš tim još jednom srce, želju i motiv koji fale brojnim nacionalnim ekipama koje na međunarodnoj sceni predstavljaju Bosnu i Hercegovinu. Nevjerovatna želja za pobjedom i suze radosnice naših zlatnih momaka na kraju utakmice, pokazale su da oni koji srcem igraju za ovu zemlju, ponekad mogu pobijediti i reprezentacije jednakog ili većeg kvaliteta. Pokazali su da je ljubav prema ovoj zemlji veća od bilo kakvog ličnog prestiža, individualne promocije ili materijalne koristi koje brojne sportaše u našoj zemlji odbijaju ili privlače nacionalnoj vrsti.

Bila je to još jedna velika pobjeda, možda i najveća u historiji ove sjajne generacije koja zaslužuje mnogo, najviše – koja zaslužuje nešto što im niko ne umije pružiti.

Švedski reprezentativac ULAZI U HISTORIJU

Ibrakadabra promijenio šest klubova u Ligi prvaka



Švedski reprezentativac Zlatan Ibrahimović još nije uspio da osvoji trofej u nogometnoj Ligi prvaka, ali će postati prvi igrač koji je promijenio šest klubova u elitnom takmičenju.

Ibrahimović je ljetos prešao iz Milana u Paris Saint Germain, a prethodno je u Ligi prvaka nastupao kao član Ajaxa, Juventusa, Intera i Barcelone.

"Da mislim da je PSG nije spreman za borbu s najjačim evropskim klubovima, ne bih ni dolazio u Pariz", rekao je Ibrahimović, koji je u Ligi prvaka odigrao 86 utakmica i postigao 28 golova.

Do sada su rekorderi sa po pet klubova bili Nicolas Anelka, Fernando Morientes, Stefan Dalma, Emerson i Hernan Crespo.

Od svih pomenutih igrača samo su Morientes, čak tri puta, i Anelka osvajali trofej u najelitnijem evropskom klupskom takmičenju.



Osmine finala Kupa BiH: Sarajevo protiv Zrinjskog, Željezničar dočekuje Slaviju

(24SI) - Takmičarska komisija Nogometnog saveza BiH danas je u Sarajevu obavila žrijeb parova osmine finala Kupa BiH u sezoni 2012/2013.

Fudbaleri Željezničara, koji brane naslov, sastaju se sa Slavijom, dok će ekipa Sarajeva igrati protiv Zrinjskog. U ovoj fazi takmičenja igrat će se dva susreta.

Parovi osmine finala Kupa BiH:

Zvijezda - Velež
Sarajevo - Zrinjski
Orašje - Široki Brijeg
Sutjeska - Sloga
Željezničar - Slavija
Čelik - Rijeka Vitez
Olimpic - Čapljina
GOŠK - Radnik

Utakmice se igraju 3 oktobra a revanš 17 oktobra 2012. godine.

Željo danas (19 09 2012) slavi rođendan

Na današnji dan 1921. godine počela se pisati plava priča



Šampionska ekipa FK Željezničar - 1971/72. godine

Na današnji dan daleke 1921. godine, Fudbalski klub Željezničar je odigrao svoju prvu utakmicu u istoriji, te se ovaj datum smatra rođendanom sarajevskog kluba.

Željezničar je 17. septembra 1921. godine odigrao svoju prvu zvaničnu utakmicu protiv ekipe SAŠK Napretka, pa se ovaj datum smatra rođendanom jednog od najuspješnijih i najslavnijih klubova sa ovih prostora.

Ideja o osnivanju kluba pripada nekolicini mladih radnika na željeznici, prije svih **Dimitriju Dimitrijeviću**, **Stjepanu Kataliniću** i **Ludvigu Lepeleu**, koji se smatraju najzaslužnijima za osnivanje fudbalskog kluba.

Radnici željeznica su potom kroz selekciju postajali prvi fudbaleri ovog kluba, a za prvi zvanični grb uzeta je ilustracija lokomotive.

Nakon dosta administrativnih peripetija, radnici željeznica uspjeli su konačno da 19. septembra 1921. godine registruju Željezničar, te je ovaj klub primljen u podsavez.

U svojoj prvoj zvaničnoj utakmici, odigranoj na današnji dan 1921. godine, Željo je poražen sa visokih 5:1 od SAŠK Napretka, a prvi gol u istoriji za sarajevske plave postigao je njegov osnivač, **Dimitrije Dimitrijević**.

Kroz istoriju su sarajevski plavi imali mnogo uspona i padova. U sezoni 1971/1972. pod vodstvom Milana Ribara, Željezničar je postao prvak bivše Jugoslavije, a sezonu ranije bili su drugi. U finalu Kupa Jugoslavije 1981. godine bolji je bio mostarski Velež.

Najveći evropski uspjeh zabilježen je 1985. godine, kada je mađarski Videoton u završici meča golom Čuhajja izbacio plave iz polufinala tadašnjeg Kupa UEFA.

Nakon agresije na Bosnu i Hercegovinu, Željezničar je najtrojeniji bh. klub u poslijeratnom periodu.

Piše: M. Dautbegović

RADIO PROGRAM SVAKOG ČETVRTKA 18:00-19:30



ZMAJ od BOSNE


f. 106,3 MHz ili preko interneta na www.bhrijec.com, klik radio

Vaš revizor

SPCSredovisningsbyrå

046-294511 0704927444

Nove knjige autora: Ragipa Sijarića



Avdo
Mehedović:

SANDŽAČKI

HOMER

Ovo je prva knjiga o jednom od najvećih bošnjačkih stvaralaca Balkana, najvećem epskom pjesniku Avdi Mehedoviću.

Knjiga „Avdo Mehedović - SANDŽAČKI HOMER” je veoma zanimljiva i poučna knjiga.

Sandžackog homera i druge pjesnike i guslare otkrili su ga je stranaci - naučnici: Milman Peryy i Albert Batos Lord.

Napomenimo da je krajišnica „ŽENIDBA VLAHINJI ALIJE” sadrži više od 23.000 stihova. Nabavite zanimljivu knjigu...

Piše: Džeilana Honić - Ferhatbegović

* Čovjek je dio prirode. Ne može sve biti savršeno.

* Ne znam jel' nam priroda zagađena. Ne vidi se ništa od smoga.

* Naša je zemlja bogata i ekološka. Aznate li vi neku bajku?



Džeilana i Senad Honić

Piše: Senad Honić - HONA

* Sa riječi su prešli na zlodjela.

* Da nam je sad bar i jednoumlja.

* Vođama je teže. Oni nisu birali narod.

* Sve teče, a naročito naše tekovine.

ZANIMLJIVO: Najmudrije izreke vezane za zdravlje i vježbanje

Piše: Anita Džanko

Ponekad je u životu preplavljenim informacijama potrebno zastati, vratiti se korak unazad i dobro razmisliti. U nastavku su najmudrije izreke vezane za zdravlje i kondiciju koje morate obavezno pročitati, proanalizirati i proslijediti drugima. Primjetite da i u vrijeme kada su nauka i medicina bile znatno manje razvijene vrijedile su iste izreke. Neke će vam se svidjeti, neke pak ne, neke će biti smiješne, ali ako vas natjeraju na razmišljanje, onda su imale efekta.

"Doktori su ljudi koji propisuju lijekove o kojima znaju malo, da bi liječili bolesti.

"Riječ aerobik je nastala od dvije grčke riječi: Aero, što znači "sposobnost" i bics, što kojima znaju još manje, u ljudskim bićima o kojima ne znaju ništa." – Voltaire znači "izdržati ogromnu dosadu." - **Dave Barry**

"U budućnosti, doktori neće liječiti ljude lijekovima, već će ih sprečavati i liječiti prehranom."

- **Thomas Edison**

"Odstupanje stanja čovjeka od njegovog prvobitnog stanja u kojem je stvoren se ogleda u nizu bolesti."

- **Edward Jenner**

"Na svijetu postoji toliko ljudi koji toliko vremena potroše u brizi o zdravlju da nemaju vremena da uživaju u njemu."

- **Josh Billings**

"Naša hrana bi trebala biti naš lijek i obratno."

- **Hipokrat**



"Ne bojim se čovjeka koji je 10 000 udraca vježbao po jedanput, ali me strah onog koji je jedan udarac izvježbao 10 000 puta." - **Bruce Lee**

" U principu, čovječanstvo, obzirom na napredak u kulinarstvu, jede dva puta više nego što je potrebno." - **Benjamin Franklin**

"Bijeli i crveni luk iskorijenjuju većinu prehrambenih alergija." - **Martin H. Fischer**

"Pola doktora vam ne bi trebalao ako bi se samo malo više konsultovali sa dr. Sunce"

- **Henry Ward Beecher**

"Ako je stigla kroz prozor vašeg automobila, onda to nije hrana." - **Michael Pollan**

ODRŽANA NAUČNA KONFERENCIJA “SKRIVENA HISTORIJA” U VISOKOM

Pripremio: Mr. Dr. Sci. Hasan Tahmaz

Naučna konferencija “*Skrivena historija*” koja je u organizaciji Fondacije “Arheološki park: Bosanska piramida Sunca” održana 8. septembra 2012. godine u Visokom bila je, po riječima prisutnih, “fantastična”. Ovaj međunarodni naučni skup okupio je niz stručnjaka i istraživača kojima je zajednička ljubav prema istraživanju i otkrivanju stvarne historije te drevnim civilizacijama i neobjašnjenim fenomenima.

Pregledom neistraženih svjetskih piramida s akcentom na bosanske piramide i nove nalaze i analize, stručni dio Konferencije otvorio je akademik **Semir Osmanagić**. On se založio za stvaranje nove naučne paradigme i uspostavljanje interdisciplinarnе “*Nauke o piramidama*”, po uzoru na istraživanje Bosanske doline piramida.

Predavanje britanskog autora i istraživača megalitnih struktura **Filipa Coppensa** koji je prisutne u sali Gradskog kina u Visokom informirao o mnoštvu novih arheoloških nalazišta u svijetu kao i drevnim piramidama “podiglo je salu na noge”. Magistar **Senad Bahor** iz Sarajeva prezentirao je svoju magistarsku disertaciju na temu bosanskih piramida gdje je putem 4D tehnologije prikazao Bosansku piramidu Sunca od vremena njene izgradnje pa sve do danas.

Italijanski naučnik profesor **Paolo de Bertolis** ponudio je niz naučnih analiza o ultrazvučnim fenomenima u Bosanskoj dolini piramida, njihovoj regularnosti i unikatnom artifičijelnom porijeklu, za razliku od prirodnih piramidalnih uzvišenja gdje taj fenomen nije mogao zabilježiti. Fizičar **Slobodan Mizdrak** iz Hrvatske upoznao je prisutne s rezultatima eksperimenta elektromagnetnog zračenja ka i sa Bosanske piramide Sunca utvrdivši izvor tog zračenja.

Arheolog Fondacije, **Ricardo Brett** iz Italije javnost je, po prvi put, izvijestio o radiokarbonskom datiranju organske materije pronađene na Bosanskoj piramidi Sunca u junu 2012. koje izgradnju ovih monumentalnih građevina smješta u period prije više od 24.800 godina. Austrijski istraživač koji je svojim nalazima na noge podigao svjetsku javnost **Klaus Donna** ponovo je



briljirao i sve prisutne oduševio prezentacijom o pronalasku novih artefakata koji se ne uklapaju u zvaničnu historiju te su stoga u potpunosti zanemareni od oficijelne nauke.

Inače, učesnike Konferencije pozdravio je premijer ZDK **Fikret Plevljak** koji je pozvao cjelokupnu bh. i svjetsku javnost da dođu u Visoko i posjete bosanske piramide.

“Bosanci i Hercegovci, probudite se. U Visokom se nešto dešava, u Visokom se historija riješava”, kazao je Plevljak. da “tamo nema ništa” naučnim putem to i dokazu. Dodao je da će Vlada ZDK i njenih 400.000 stanovnika u potpunosti podržavati projekt istraživanja bosanskih piramida. Fondaciju i konferenciju je svojim dolaskom i prigodnim obraćanjem podržao i načelnik Općine Visoko **Munib Alibegović** te prijatelj Fondacije ambasador Pakistana u BiH **Nj.E. Khalid Jaffery**.

Konferencija je, osim predavača, okupila i veliki broj gostiju iz Velike Britanije, Austrije, SAD, Njemačke, Makedonije, Slovenije i Srbije. Naučnom skupu prisustvovala je i 7. smjena MRAY-a koja je brojala više od 65 volontera iz 20 zemalja. Njima su, u prisustvu premijera ZDK, načelnika Općine Visoko te predsjednika UO Fondacije **Ahmeda Bosnića**, uručene zahvalnice za učešće u akciji i doprinosu u istraživanju bosanskih piramida. Za njih je, u nedjelju, 9. septembra, upriličena i posjeta Arheološkom parku: Bosanske kamene kugle”, odnosno, najvećem nalazištu ovih fenomena u BiH, u Zavidovićima. Čitav tok konferencije pratilo je, pored lokalnih medija, pet tv ekipa iz Austrije, SAD-a, Hrvatske i BiH koji rade dokumentarne filmove i serijale o najvećim i najstarijim piramidama u svijetu.

Fondacija zahvaljuje svima koji su učestvovali u organizaciji ovogodišnje naučne konferencije.



BosnaTV

Prenosi više od 25 TV kanala uživo (live) iz cijele BiH i Sandžaka na kablovski sistem, bez satelitne antene, i to:

BHT1, Federalna, TV Hayat, TV1, OBN, Pink BH, BATV, Alfa, TVSA, RT Mostar, RTCG, HEMA, Alternativna, Tuzlanska TV, OT Valentino, Top Musik, Balkanika, RTV Novi Pazar, TV Glas Drine, TV Cazin, Bihacka USK, Radio Kladusa, Radio Glas Drine, Radio 38

Potreban vam je samo Bosna TV HD digital resiver koji koristi kabel ili DSL konekciju

Plus - 500+ DVD (Video on Demand) postojećih naslova najpopularnijih filmova, muzike, humora, dokumentaraca, crtanih filmova i jos mnogo toga

KAMARAD-ZUKIC

Informacije i porudzbe za Evropu: **0049 (0) 151 12724689**

vise informacija na: www.infokamarad.com

30+ TV Kanala iz BiH i Sandžaka

BosnaTV je najkompletniji TV Paket



+ 10 Kanala po Americom Vremenu



Jubilej - 16 godina

1996 - 2012

**Internacionalno udruženje
Göteborg - Sweden**

**Udruženje-Förening
Kultur&Media**

Za 16 godina aktivnosti postigli smo:

List

"Kultur Media"

91 broj

za 8 godina rada

Radio program

"Zmaj od Bosne" emitovano

366 emisija

za 8 godina rada

Izdavacka djelatnost udruženja

"Kultur & Media"

12 knjiga objavili

i na stotine brošura

**Organizovali na desetine
kulturnih manifestacija**

Top Tourist

PUTUJTE SA NAMA JOŠ DANAS!!!

Učlanite se u nas
VIP KLUB koji će vam
doprinesti mnogobrojne
prednosti.

**10 % POPUSTA
NA VAŠA
PUTOVANJA**



VIP KLUB

Sakupite 3 karte i
putujte 4. put **GRATIS**
Za više informacija
obratite se nasim
agencijama.

***Sačuvati prethodne karte**



DANSKA

ŠVEDSKA

Tel: +45 48 25 38 37

Tel: +46 42 18 29 84

Tel: +45 48 25 31 49

Tel: +46 42 13 27 20

Fax: +45 48 28 38 49

Mail: info@toptourist.dk